



13. august 2010

UKA 2010/30

Inatsisartut Suleriaasianni § 32 naapertorlugu aalajangiiffigisassatut siunnersuut imaattoq matumuuna saqqummiuppara:

Puigortunngorneq pillugu pinaveersaartitsinermik suliniuteqarnissaq kiisalu puigortunngorsimasut nunatsinni annertusiartuinnarnissaat peqqutigalugu, Naalakkersuisut pilersaarummik saqqummiinissaannik peqquneqarnissaannik Inatsisartut aalajangiiffigisassaattut siunnersuut

(Inatsisartunut ilaasortaq Olga P. Berthelsen, Inuit Ataqatigiit)

Tunngavilersuut:

Puigortunngornermik nappaateqarneq, (qanga nunatsinni “uternermik” taasagarput) annertusiartuinnarpoq. Nunatsinni nappaatip taassuma ineriartornera ersarissumik aammalu pilersaaruteqarfignissaanut piareersimannigitsutut inissisimavugut.

Tamanna nunatsinnut tulluannigilaq eqqarsaatigigaanni, inuit taama napparsimalersartut amerliartornerat annertuujummat. Kisitsisit nunatsinni takussutissat maannamut piginngikkigit malunnarpoq, tamannalu siunissamut pilersaarusiorsinnaanissarput tusiatsippaa.

Inuit Ataqatigiinniit isumaqarpugut siunissaq ungasinnerusoq eqqarsatigalugu, pinngitsoorata pilersaarummik peqartariaqartugut. Ilisimasariaqarparput inuit taamatut nappaateqalersimasut qassit missaanniissanersut, ilisimasariaqarparput angerlarsimaffiit tamakkununnga tulluarsakkat qassit missaanni pigissanerlugit, ilisimasariaqarparput ilaqtariit aamma sullinneqartussat qanoq amerlatigissanersut, ilisimasariaqarparput nakorsaait tamaatut nappaateqarnerup kingunerisaanik atortussat qanoq annertutigisinnaaneri, il.il.

Tassa ilisimasassagut amerlasoorpassuupput tamaattumik pilersaaruteqartariaqarpugut qanoq iliuusissagut ilisimaniassagatsigit. Tamanna tunngavigalugu siunnersuutigaa Naalakkersuisut pilersaarusiornissaannik peqquneqassasut.